



Huw Irranca-Davies AS
Cadeirydd
Y Pwyllgor Deddfwriaeth, Cyfiawnder a'r Cyfansoddiad
Senedd Cymru
SeneddLJC@senedd.cymru

21ain Chwefror 2024

Y Cytundeb Cysylltiadau Rhyngsefydliadol: Y Grŵp Rhyngweinidogol ar Gyfiawnder

Yn unol â'r cytundeb cysylltiadau rhyngsefydliadol, rwy'n ysgrifennu atoch i roi gwybod ichi y cafodd ail gyfarfod y Grŵp Rhyngweinidogol ar Gyfiawnder ei gynnal ar 25 Ionawr.

Cynhaliwyd y cyfarfod hybrid o dan gadeiryddiaeth Angela Constance ASA, Ysgrifennydd y Cabinet dros Gyfiawnder a Materion Cartref, yng Nghaeredin.

Cafodd Llywodraeth y DU ei chynrychioli gan yr Arglwydd Bellamy CB (Is-ysgrifennydd Gwladol Seneddol yn y Weinyddiaeth Gyfiawnder), John Lamont (Is-ysgrifennydd Gwladol Seneddol yr Alban), Fay Jones (Is-ysgrifennydd Gwladol Seneddol Cymru) a'r Arglwydd Caine (Is-ysgrifennydd Gwladol Seneddol Gogledd Iwerddon).

Yn absenoldeb Gweinidogion Gogledd Iwerddon, roedd Richard Pengelly, Ysgrifennydd Parhaol Adran Gyfiawnder Gogledd Iwerddon yn bresennol unwaith eto ar ran Gwasanaeth Sifil Gogledd Iwerddon. Yn sgil adfer sefydliadau datganoledig yng Ngogledd Iwerddon, disgwylir y bydd Gweinidog o'r Weithrediaeth newydd yn mynychu'r cyfarfod nesaf.

Mae datganiad sy'n crynhoi busnes y cyfarfod wedi ei gyhoeddi, ac mae hwnnw ar gael [yma](#).

Prif ffocws y cyfarfod oedd trafod y gwahanol sut y gellid rhyddhau dioddefwyr Sgandal Horizon Swyddfa'r Post o unrhyw fai a'u digolledu wedi iddynt gael eu herlyn a'u cael yn euog o drosedd ar gam. Mynegais fy marn bod y difrod i enw da'r system gyfiawnder yn sylweddol, ac nad yw systemau cyfrifiadurol bob amser yn gywir a bod cysylltiad clir â pheryglon cynyddu'r defnydd o dechnolegau eraill o fewn y system gyfiawnder, gan gynnwys technoleg deallusrwydd artiffisial ac adnabod wyneb, heb fod digon o ddealltwriaeth o'r risgiau a chynlluniau clir i'w lliniaru. Hefyd mynegais fy marn bod dyletswydd gonestrwydd statudol yn hanfodol ar gyfer helpu i atal achosion tebyg o

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Mick.Antoniw@llyw.cymru
Correspondence.Mick.Antoniw@gov.Wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

gamweinyddu cyfiawnder rhag digwydd yn y dyfodol. Cytunwyd y bydd y materion hyn yn ffocws trafodaeth ar wahân mewn cyfarfod arall.

Yna trafododd y cyfarfod y camau a gymerir i wella capasiti carchardai, adfer y llysoedd, a materion yn ymwneud â chymorth cyfreithiol.

Bydd y cyfarfod nesaf yn cael ei gynnal ymhen tua 4 mis. Byddaf yn rhoi gwybod ichi unwaith y bydd wedi ei drefnu.

Rwy'n anfon copi o'r llythyr hwn at y Gweinidog Cyfiawnder Cymdeithasol a'r Prif Chwip.

Yn gywir

A handwritten signature in blue ink, reading "Mick Antoniw". The signature is written in a cursive style. Below the signature is a short horizontal line.

Mick Antoniw AS/MS

Y Cwnsler Cyffredinol a Gweinidog y Cyfansoddiad
Counsel General and Minister for the Constitution